

# BREOPPLEVING

BREKURS, KLATREKURS OG FJELLFØRING SIDAN 1994



Telefon: 57 87 05 00  
E-post: post@bre.no  
Heimeside: www.bre.no  
Adresse: 6823 Sandane



---

## VELKOMEN TIL BREKURS PÅ SPITERSTULEN

**Dette dokumentet inneheld** den informasjonen du treng før kurset tek til. Dersom det likevel er spørsmål så er det berre å ta kontakt. På dagtid er vi ofte på breen, så legg igjen melding viss vi ikkje svarer

**Brekurset på Spiterstulen** er eit kurs for friluftsfolk som vil lære å gå på bre. Kurset vil foregå på Eventyrisen rett under Galdhøpiggen. Det er muleg å bu i telt eller inne på Spiterstulen. Viss du vil bu inne må du sjølv bestille hos Spiterstulen og dette kjem i tillegg til kursavgifta. Oppgje at du er med på brekurset så får du rabatt.

**Oppmøte** er måndag klokka 1900 på Spiterstulen. Viss du treng å sitte på med nokon så ta kontakt med oss ei veke før så formidlar vi kontakt. For øvrig går det buss frå Lom til Spiterstulen, og den korresponderer med ekspressbussar. Sjekk rutetider før du kjem, og sei i frå viss du treng hjelp.

**Lån av breutstyr** er inkludert i prisen. Men viss du har eige utstyr så ta det gjerne med. På eit brekurs har kvar deltakar følgande utstyr: Hjelm, brystsele, sittesele, stegjern, isøks, isskrue, snøanker, 2 x karabiner, 2 x skrukarabiner, prusik, 120 cm slynge, innbindingstau. I tillegg har vi dynamiske tau som vi binder oss inn i.

**Av personleg utstyr** må du minst ha med deg følgjande til kursveka:

- ✦ Vindtett jakke og bukse
- ✦ Regnklede
- ✦ Solide fjellsko og gamasjar
- ✦ Ullundertøy
- ✦ Varm genser e.l.
- ✦ Lue og vottar (gjerne hanskar i tillegg)
- ✦ Solbriller og solkrem med høg faktor
- ✦ Dagstursekk, anbefalast minst 40 l.
- ✦ Kart (skriv ut frå dokumentsida på [www.bre.no](http://www.bre.no))
- ✦ Kartmappe og kompass
- ✦ Telt
- ✦ Kokeutstyr, tallerken, bestikk
- ✦ Sovepose og liggeunderlag

# BREOPPLEVING

BREKURS, KLATREKURS OG FJELLFØRING SIDAN 1994



Telefon: 57 87 05 00  
E-post: post@bre.no  
Heimeside: www.bre.no  
Adresse: 6823 Sandane



---

☞ Drikkeflaske og termos (viss du vil ha varm drikke på breen)

Breis er om sommaren både våt og skitten. Det er difor lurt å bruke vasstette kle, slik som gore-tex. Men breskit kan vore vanskeleg å fjerne frå kleda. Tenk deg difor om før du tek med den nyaste og finaste gore-tex dressen. Ta gjerne med eit ekstra sett ullundertøy og ein varm genser til bruk i leiren om kvelden.

Breboka vert delt ut til alle deltakarane ved ankomst på kurset.

**Mat for veka** tek du med sjølv viss du bur i telt. Frukost et vi i leiren, mens det vanlegvis blir to lunsjar på breen. Brødmatt er greitt på tur samen med noko varmt på termosen. Middag pleier vi å starte med rett etter vi kjem att frå breen. Kjøtt kan oppbevarast i lufttome og vasstette poser som leggst under steinar i elva. Hugs å legge alle steinane tilbake på plass etter bruk slik at vi ikkje set spor i naturen. Kjøttet vil halde seg betre dersom det vert steikt og krydra på førehand.

**Betalinga av kurset** må skje snarast råd og innan fristen. Vil du ha lenger frist for betalinga så ta kontakt før betalingsfristen går ut. Viss vi ikkje høyrer noko anna så kjem det ei purring ved manglande betaling.

**Viss du likevel** ikkje vil være med så vil du få tilbake alt du har betalt berre du seier frå minst 14 dagar før kurset. Viss du melder deg av seinare har du ikkje rett til å få tilbake kursavgifta. Du bør ha ei reiseforsikring slik at du får dekkja kursavgifta viss du blir sjuk.

**Avlysing** av kurset på grunn av lite påmelding skjer svært sjeldan. Vi avgjer dette to veker før kursstart. Du kan når som helst kontakte oss og spørre om kurset har nok påmeldte. Ved avlysing får du sjølvsagt tilbake kursavgifta, men vi dekker ikkje andre utgifter du har.

Kurset vil unntaksvis kunne bruke andre brear i området enn Eventyrisen. Dette avgjerast av kursleiaren ut frå snø/isforhold og veret. Transporten til andre brear vert ikkje dekkja av kursavgifta. Vær difor førebudd på å spleise på bensin og bompengar.



# BREOPPLEVING

BREKURS, KLATREKURS OG FJELLFØRING SIDAN 1994



Telefon: 57 87 05 00  
E-post: [post@bre.no](mailto:post@bre.no)  
Heimeside: [www.bre.no](http://www.bre.no)  
Adresse: 6823 Sandane



---

**Innhaldet på kurset** har vore det same i mange år, men rekkefølga vil variere noko mellom dei ulike kursa avhengig av vær og snøforhold. Dette avgjerast av kursleiar undervegs i kurset. Under ei førebels oversikt over dagane.

- ☞ **Måndag:** Vi møtast kl 1900. Etter presentasjon av kursopplegget og instruktørane, tek undervisninga til. Vi tilpassar utstyr, lærer bruksområdet og øver på knutar.
- ☞ **Tysdag:** Heile dagen vil vi holde på i blåisen. Vi skal øve gangteknikkar med og utan tau, innknyting og vegval. Allereie denne dagen får deltakarane sjølv leie taulaget. Om kvelden vert det teori om redningsteknikkar i blåis.
- ☞ **Onsdag:** Første del av dagen går med til redning i blåis. Alle skal delta på dei viktigaste plassane i taulaget. Etter matpausa vert det vandring i lett og vanskeleg is der vi øver på plassering av sikringar og vegval. Om kvelden blir det teori om redning på snø, sikringsteknikk og vegval i vanskeleg is og snø.
- ☞ **Torsdag:** Denne dagen vert det redning på snø fram til lunsj. Etterpå kjem vi til å gå i vanskeleg is og snø. Om kvelden tek vi for oss teori om orientering på bre, snøbakketeknikk og alpine farer.
- ☞ **Fredag:** Dette er turdagen. Målet for turen blir bestemt av kursleiar ut frå vær og forhold. På vegen kjem vi til å trene på orientering på bre og snøbakketeknikk.
- ☞ **Laurdag:** Denne dagen tilpasser vi stort sett til den enkelte sine ønskjer. Vi går i vanskelig is, klatrar og rapellerer på topptau. Vanskegraden vert tilpassa ved at vi deler inn taulaga på nytt. Om kvelden vert det avslutning med evaluering. Sosialt samvær ut i dei små timar.
- ☞ **Søndag:** Vi pakker saman og reiser kvar til vårt utover formiddagen.

# BREOPPLEVING

BREKURS, KLATREKURS OG FJELLFØRING SIDAN 1994



Telefon: 57 87 05 00  
E-post: [post@bre.no](mailto:post@bre.no)  
Heimeside: [www.bre.no](http://www.bre.no)  
Adresse: 6823 Sandane



---

Vi legg vekt på at kurset skal være praktisk. Difor blir det mest praktiske øvingar. Teorien om kveldane vert avgrensa, og mykje vert teke ute i terrenget. Til dømes vil eit emne som brelære være naturleg å ta når ein er på breen. Om kveldane vert det god tid til sosialt samvær.

Elles legg vi vekt på at alle skal få lov til å tøye sine egne grenser i eige tempo, uavhengig av kva nivå ein er på før kurset startar. Kurset krev ingen forkunnskap på bre eller fjell.

**Velkomen til eit hyggeleg og spanande brekurs i Jotunheimen!**